

# A- Čoahkkinbeavdegirji

RiddoDuottarMuseat

RDM stivrračoahkkin Sámi dáiddamagasiinnas 17.12.18.  
Čoahkkin dollojuvvui dii. 10:00–15:00

## Geat oassálaste:

Sten Magnar Nikodemussen	Stivrralahttu
Hilde Skanke	Stivrralahttu
Marianne Balto	Stivrralahttu
Svein Atle Somby	Stivrralahttu
Elle Bals	Stivrralahttu/bargiidáirras
Anne May Olli	Čálii

## Diedihán ahte eai searvva:

Johan Ailo Kalstad	Stivrrajođiheadđi
Ellen J. S. Eira	Várrelahttu
Ann Britt Eira Sara	Stivrralahttu
Hjalmar Strømeng	Stivrralahttu
Synnøve Solbakken-Härkönen	Várrelahttu

## Áššenr.:

## ÁŠŠI

**19-2018 Dohkkehit čoahkkingohččuma ja áššelisttu**  
Čoahkkingohččun ja áššelistu dohkkehuvvui ovttajienalaččat rievdadusain ahte ášši 24 giedáhallojuvvo oktánis rehketoalu orienteremiin.

**20-2018 Válljet guoktása geat dohkkeheaba čoahkkinbeavdegirjji.**

Ovttajienalaččat válljejuvvuiga Svein Atle Somby ja Marianne Balto vuolláičállit otná beavdegirjji.

## 1. DIEHTOJUOHKINÁŠŠIT

### 21-2018 Diehtoáššit

- Jagi rehketoallu dán rádjai
- Billahuvvan dáidagat – konserverenraportta geahčadeapmi ja čuovvumušat
- Dieđut organisašuvnnaovdánahttima birra
- Bååstede

- Dáiddamuseaášši
- Mearráduš: Stivra váldá vuhtii áššiid**

## 2. ČUOVVOLEAMIT

Eai leat áššit

## 3. MEARRÁDUSÁŠŠIT

**Ášši 22 -2018**                      **Konstitueren**

1) Áššebáhpirat:  
-Njuolggadusat

2) Áššečielggadeapmi:

Ođđa stivrras leat dát ovddasteaddjit gč. §7

2 stivrralahttu maid Sámediggi vállje, nubbi lea stivrrajođiheaddji:

-Johan Ailo Mattias Kalstad, stivrrajođiheaddji

Várrelahttu ii leat válljejuvvon

-Marianne Balto

Várrelahttu: Stine Marie Høgden

5 stivrralahttu maid Jáhkovuona mearrasámi musea vuođđudus (KSM), Sàmiid Vuorkà-Dàvvirat/De Samiske Samlinger vuođđudus (SVD/DSS), Guovdageainnu suohkan (KTK), Porsáŋgu gieldda (PM) ja Kárášjoga gieldda (KK) válljejit.

- Sten Magnar Nikodemussen (KSM)

Várrelahttu: Ingar Elling Eira

- Hjalmar Strømeng (SVD/DSS)

Várrelahttu: Synnøve Solbakken-Härkönen

- Ann Britt Eira Sara (KTK)

Várrelahttu: Ellen J Sara Eira

- Hilde Skanke (PM)

Várrelahttu: Olaf Andersen

- Sátnejođiheaddji Svein Atle Somby (KK)

Várrelahttu: Sissel Gaup


1 stivrralahttu maid bargit válljejit iežaset searvvis

-Ellen J Bals

Várrelahttu: Terje H Joks

Stivrračoahkkimis geassemánu 24. beaivvi 2015:s dohkkehuvvui organisašuvdnakárta. Das lea maid oassin bargolávdegotti ásaheapmi mas leat golbma miellahttu mii lea vejolaš §7 vuođđudusnjuolggadusaid mielde.

Bargolávdegoddi doaimá stivrračoahkkimiid gaskkas dan mielde maid stivra lea mearridan ja dainna loguin mii njuolggadusain lea mearriduvvon. Jođiheadđji ja nubbijodđiheadđji ferteba álo leat oassin bargolávdegottis, ovttas ovttain earáin maid stivra vállje. Bargolávdegotti mandáhta lea leat direktevrra lagamus bajit ráđđeaddi orgána mii lea veahkin ráhkkanahttit hálddahaslaš áššiid stivrii. Bargolávdegottis lea mandáhta dahkat mearrádusaid áššiin mat ovddiduvvojit AU-čoahkkimiidda, muhto masa ii dárbbášuvvo olles stivra searvat. Áššit mat gáibidit stivrra leat jahkebušeahtta ja rehketoallu, jahkedieđáhusat, bajit dási plánat (personálapolitihkalaš plána, doaibmaplána, RDM-gelbbolašvuodáplána ja eará dan lágan bajit dási plánat). Bargolávdegoddi sáhtta stivrra bealis dingon hálddahas guorahallamiid.



3) AU cealkámušat:

4) Mearrádusárvalus:

Stivra ieš konstituere iežas ja danne ii ovddiduvvo árvalus.

5) Mearrádus:

Stivrra konstituieren.

Jođiheadđji lea Sámediggi válljen: Johan Ailo Mattias Kalstad

Nubbijodđiheadđji válljen:

Svein Atle evttohii Hjalmar Strømenga. Marianne logai ahte berre leat nisssonolmmoš go stivrrajodđiheadđji lea dievdoolmmoš (50/50), ja evttoha Hilde.

Ollu molssaeavttut digaštalloje, stivrii lei dehálaš váldit vuhtii geografii ja sohka-beali. Hilde Skanke válljejuvvui ovttajienalaččat.

---

Bargolávdegoddi:

Jodiheaddji ja nubbijodiheaddji leaba lunddolaččat oassin Bargolávdegottis.

Válljet miellahttu Bargolávdegoddái: Dát manjduvvo boahhte stivrračoahkkimii sivas go háliidit digaštallat galgá go AU joatkit. Ovttajienalaččat.

## Ášši 23 -2018

## 2019 Vuoruheamit

- 1) Áššebáhpirat:
  - RDM strategiijadokumeantta
  - 2018 vuoruheamit (stivrramearrádus áššis 23/17)
  - 2018 doaibmaplána
  
- 2) Áššečielggadeapmi:

RDM stivra lea mearridan Strategiiaplána áigodahkii 2017–2022. Dat mielddisbuktá ahte RDM doaimmat fertejit strategiijadokumeantta čuovvut ja vuoruhuvvot dan mielde. 2018:s lea RDM rievddadan ruhtageavaheami dainna ahte lea unnidan bargoveaga. Fágaossodagaid nannen dahkko veahážiid mielde. Museaid museafágalaš barggu nannemis lea dehálaš ahte leat oahppan bargit. Bargiid bušeahhtarámma ferte danne nannejuvvot, dan dihte go allaoahppan olbmot gáibidit buriid bálkážáeavttuid. Dasa lassin ferte RDM:s leat buorre fysalaš ja psyhkalaš bargobiras, ja nu fertejit RDM:s leat buorit ja stabiila museavisttit.

2018 vuoruhemiid boađus lea ahte hálddahusa leat beavttálmahtán dainna ahte geavahuvvojit ođđa teknologiiijat (2017 rájes lea rehketdoallu neahttavurkemis (sky-basert), personálahálddašeapmái geavahit Tidsbanken, Office 365 neahttavurkenuogádat mas oktasaš báikkít ja iešguđetlágan applikašuvnnat omd. Teams oktasaš čoahkkimiidda). Servera ođasmahttin lea dáhkkon 2018:s.

Čájáhusaid ođasmahttin lea dáhkkon primusregistreremiin ja digitaliseremiin. Primusbargu ii leat ovdánan nu go lei sávahahtti ja dat ferte árvoštallojuvvot. SVD čájáhusain lea goitge bargojuvvon.

Báikkálaš ovttasbarggu nannemis de eai buot museain bidjon johtui Ovttasbargolávdegottit. OL lea ásahuvvon dáppe: Sámi Vuorká-Dávvirat , Jáhkovuona mearrasámi musea ja Porsánjgu musea. Fokus dutkamii,FOU:i ja ovttasbargui dutkanbirrasiguin, das leat vuoruhan láchit dili dutkiide, danne go mis RDM:s lea unnán dutkangelbbolašvuolta. Dán háliidit mii rievdadit nu ahte dáhkko eambo dutkan sihke museas ja musea birra. SVD:s lea ieš ohcalan ovttasbarggu joatkkaskuvllain huksenfágaohppiid práksissajit ásaheamis. Leat unnán olbmot geain lea gelbbolašvuolta vistesuodjaleamis ja dainna ovttasbargguin sávvat mii váikkuhit nu ahte oahppit

válljejit vistesuodjaleami go gaccet oahpuset. Dáiddamusea huksenáššis lea ollu bargon ja vejolašvuodaguorahallan čađahuvvo 2019:s.

Guokte maŋemus čuoggá diimmá vuoruhemiin, dálá huksenplánaid geahčadeapmi ja márkanstrategiijaplána, leat maŋiduvvon dan dihte go stivra áššegieđahallamis evttohedje lassi vuoruhemiid. Buot 3 lassi vuoruheami leat čađahuvvon; RDM bargiin lea fokus olggaldas ruhtadeapmái. Sii geavahit ollu áiggi ja resurssaid ohcat prošeaktadoarjagiid, muhto dát eaktuda ahte RDM lea ieš vuoruhan ruđaid iežasoassái. Beavttálmahttin lea vuoruhuvvon ja dahkkon organisašuvnnaovdánahttimiin mas buorre bargobiras lea guovddážis. Vuodđobargiidlohku galgá leat 12,2 virggi. Odne mis leat dušše 10 bargi, ja dat leat unnit go mii lei sávahahtti vuodđobargoveahka.

Ollu dain vuoruhemiin mat mearriduvvoje 2018:s jotket 2019:s go dá leat barggut mat leat oassin RDM strategiijaplánas. Erenoamážiid dát guoská museafágalaš gelbbolašvuoda nannemii, čájáhusaid ođasmahttimii, báikkálaš ovttasbargui ja čanastupmái, dutkamii ja ovdánahttimii. Direktevra ovddida danne 2019:i čuovvovaš vuoruhemiid:

#### 1. Vuoruheapmi

- Fágavirggit. 2018:s lea leamašan hástaleaddji nagodit fuolahit museafágalaš bargguit. RDM ferte vuoruhit fágabargiid virgáibidjat guoros virggiide, ja bargat dan ovdii ahte áiggi mielde ášahuvvojit eambo fágavirggiid. RDM:s leat stuora penšuvdnagolut dan dihte go ferte máksit penšuvnna maid dai ovdalaš bargiide. Áiggi mielde njiedja dát gollu (lunddolaš ákkaid geažil). Ođđa penšuvdnašiehtadusa mielde mii máksit dušše penšuvnna bargiid ovddas geat leat barggus RDM:s ja máksu loahpahuvo go sii heitet dahje mannet ealáhahkii (dát guoská ođđa virgáibidjamiidda).

#### 2. Vuoruheapmi

- Vejolašvuodaguorahallan dáiddamusea huksenbarggus ja SVD ođasteamis.

#### 3. Vuoruheapmi

- Doalahit čájáhus- ja kánturbáikki Leavnnja guovddážis. Porsáŋggu museas leat guokte báikki Porsáŋggu gielddas, okta Skuvvanváris ja okta Leavnnja guovddážis. Skuvvanváris lea čájáhus nuppi máilmmisoađis ja magariinnat/čoačkáldagat. Leavnnjas lea čájáhuslatnja mas sáhtta čájehit iešguđetlágan áššiid. RDM ovttasbargá Porsáŋggu gielddain oččodit bistevaš čovdosa musealanjaide, áinnas ovttas eará kulturinstitušuvnnain. Gč. stivrrearrádusa 14/18.

#### 4. Vuoruheapmi

- Organisašuvdnaovdánahttin. RDM ferte bargat organiseremiin dán jagi. Ollu jagiid leat dál bargan rievdademiin ja maid dai bargiid unnidemiin, de dál lea dárbu nannet organisašuvnna siskkáldasat. Dán bargui lea RDM bálkahan organisašuvdnapsykologa Skare gč. stivrraášši 9/18.

#### 5. Vuoruheapmi

- Lea dárbu doaimmahit eambo dutkama museas. Berre guorahallat ja konkretiseret makkár vejolašvuodát leat FOU:in ja ovttasbargat allaskuvllaiguin/universitehtaiguin (omd).

stipendiáhttavirggit). Joatkit buriin ovttasbargguin joatkkaskuvllain vistesuodjaleamis. Láhčit dili oahpahallisajiide museas.

#### 6. vuoruheapmi

- ležasoassi proševttain. RDM fágaossodagat barget doaimmaiguin sihke ođastit dálá čájáhusaid ja ođastit gaskkustanbargguid olgomuseain. 2018:s lei mis fokus olggudas ruhtadeapmái, muhto dát gáibida ahte doaimabušeahas várrejuvvo ruhta máksit dan oasi maid ieš ferte gokčat.

#### 7. Vuoruheapmi

- Geahčadit eará huksenplánaid mat mis leat. Ráhkadit vuoruhanlisttu das makkár huksenteknikkalaš dárbbut leat dain iešguđetge museain ja dasto hábmet áššiide bargostrategiija boahhte áigái. Dán berre maid geahččat Bååstede proševtta oktavuhtii. Dain iešguđetge suohkaniin gos RDM:s leat báikkálaš museat čađahuvvojit ollu plánabarggut ođđahuksemiidda ja RDM berre sagastallat suohkaniiguin vai gulahallá singuin lea go vejolaš searvat singuin.

#### 8. vuoruheapmi

- Hábmet 2019-2021 márkanstrategiija/mediastrategiijaplána. Mis lea dárbu plánii ja standardiserejuvvon málliide go lea sáhka márkanfievrrideamis sihke báhpiriin ja sosiála mediain. Lea dárbbalaš ásahtit strategiija movt joksat daid iešguđetlágan geavaheaddjjoavkkuid, muhto maid vai sii geat leat berošteaddjit ožžot dieđuid ja čuvvot ángirit min.

### 3) AU cealkámušat:

### 4) Mearrádusárvalus:

#### **RDM váldovuoruheamit 2019:s leat dát 8:**

- Eambbo fágavirggit.
- Vejolašvuodaguorahallan SVD ja dáiddamusea huksenáššis
- Museavisti Porsáŋgu guovddážiis
- Siskkáldas organisašuvdnaovdánahttin
- Eambbo dutkan ja heivehit oahpahallisajiide
- ležasoasi ruhtadeapmi proševttain
- RDM huksenplánaid geahčadeapmi
- Markan-/mediastrategiijaplána

### 5) Mearrádus:

**Dorjon ovttajienalaččat dan mii lei evttohuuvon.**

- 1) Áššebáhpirat:  
- Rámmaevttohus bušehtii
- 2) Áššečielggadeapmi:

RDM strategiiaplánas vuoruhuvvo fágaossodagaid fágalaš nannen, ja dát čuovvuluvvo 2019 bušeahtas.

Báلكá- ja haddegoargnumii lea mearriduvvon 2,6 %. Dát mearkkaša 361 772,- ollislašbušeahtas mii lea 13 914 297,-. Doaibmadoarjagiin leat 1 030 000,- merkejuvvon ruđat, main 500 000 lea geardedoarjja. Dat mearkkaša ahte RDM ii oaččo dan ekonomalaš ovdáneami mii livččii sávahahtti.

Lea rehkenaston ahte RDM 2019:s oažžu oktiibuot 7 % bušeahttalasáhusa, dat lea 898 797,- eambbo go 2018 bušeahtas. Lasáhus lea eambbo doaibmadoarjja ja merošteapmi ahte dine eambbo ieš, muhto dat gokčá dušše dan vurdojuvvon hadde- ja bálkagoargnuma mii boahtte jahkái vurdojuvvo.

RDM ii vásit ahte sisaboahu duodas lassána :

- li oktage RDM suohkaniin lasit RDM:i doaibmadoarjaga. Dát mielddisbuktá ahte RDM:s unnu ekonomiiija jagis jahkái. Dál lea ain eahpesihkar maid min suohkanat midjiide juolludit doaibmadoarjjan, ja dán bušeahttaovdánbuktimis lea eaktun dat ahte suohkanat juolludit goit dan seamma go maid dáhke 2018:s mii mearkkaša ahte eai lasit doarjaga mii gokčá bálká- ja haddegoargnuma.
- Finnmárkku fylkkagiella lea maŋemus jagiid addán RDM:i 483 000,- ruvnno. Fylkkagiella 2019-2022 ekonomiiaplánas boahtá ovdan ahte eai lasit maidege RDM:i, muhto ahte kultuvrra ja biras rámmaoassái lasihuvvo 2 % haddegoargnuma dihte. Oaidnit leaš guoská go dát maid RDM:i, ja jus dan dahká de dát attašii de 492 660,-.
- RDM oažžu 12 073 000 ruvnno SVD liggerusttegiid ođasteapmái, dás lea 500 000,- Sámedikki merkejuvvon geardedoarjja. Lasáhus lea oktiibuot 6,9 % (mas Sámediggi lasiha dušše 2,5 % dábálaš doibmii). Doarjagis man Sámediggi addá lea 530 000,- (2018 lohku) merkejuvvon Sámedikki dálááiggedáidda/dáiddaduoji sisaoastinortnegii.

Bušehta váldovuoruheamit:

- Ossodagaid (bargiid) fágalaš nannen ja fysalaš ja psyhkalaš bargobiras. Lea maid dárbbalaš ahte lea ekonomalaš doaibmavejolašvuohta čájáhusaid ráhkadeapmái. Fágalaš nannema olaheapmái lea boahpte jahkái rehkenastojuvvon 6 % lasáhus personálarámmii. Dát lea 516 236,- lasáhus.

Eará doaibmagoluid rámma lea lasihuvvon 7 % dan jagi bušehtas, dát lea 382 561 eambo, oktan dainna merkejuvvon doarjagiin SVD liggerusttegiid molsumii ja dáidaga sisaoastinortnegii.

3) AU cealkámušat:

4) Mearrádusárvalus:

2019 bušehttarámmaid mearrida stivra leat ná;

Bálgágolut rámma 8 260 884 ruvno.

Eará doaibmagoluid rámma 5 653 413 ruvno.

Obbalaš bušehttarámma 13 914 297 ruvno.

5) Mearrádus:

Rámmadásis.

Ovttajienalaččat mearriduvvui mearrádusárvalus oktan ovttain rievdademiin danne go Fálesnuorri lasihii JMM bušehttarámma.

2019 bušehttarámmaid mearrida stivra leat ná;

Bálgágolut rámma 8 260 884 ruvno.

Eará doaibmagoluid rámma 5 728 413 ruvno.

Obbalaš bušehttarámma 13 989 297 ruvno.



	A	B	C	D	E	F	G	H	I	J	K
1	<b>Budsjettforslag RDM år 2019</b>		FORSLAG	Vedtatt	(Bokført)	Revidert					
2			BUDSJETT (B)	Budsjett (B)	Regnskap	Budsjett	Differanse (kr.)		Differanse (%)		
3	<b>INNTEKTER</b>	Konto:	2019	2018	2017	2019	B19-B18	B18-P17	B19-B18	B18-P17	
4	DRIFTSTILSKUDD										
5	Tilskudd fra Sametinget-fordeles iht. avd.kostnader	3400,3446,7,8	12 073 000	11 291 000	11 059 000	0	782 000	232 000	7 %	2 %	
6	Tilskudd Finnmark Fylkeskommune	3441	483 000	479 000	483 790	0	4 000	-4 790	1 %	-1 %	
7	Tilskudd Kautokeino kommune	3444	220 000	220 000	220 000	0	0	0	0 %	0 %	
8	Tilskudd Porsanger kommune	3449	192 474	188 700	188 700	0	3 774	0	2 %	0 %	
9	Tilskudd Kvalsund kommune	3451	200 000	125 000	125 000	0	75 000	0	60 %	0	
10	Tilskudd Karasjok kommune	3445	200 000	200 000	220 000	0	0	-20 000	0 %	-9 %	
11	Tilskudd til prosjekter	3452-3499	0	0	923 716	0	0	-923 716			
12	Lønntilskudd NAV	3990	0	0	0	0	0	0			
13	SUM DRIFTSTILSKUDD		13 368 474	12 503 700	13 220 206	0	864 774	-716 506	7 %	-5 %	
14											
15	Herav ØREMERKEDE TILSKUDD										
16	Kunst Sametingets innkjøpsordning	3457	370 000	370 000	370 000	0	0	0	0 %	0 %	
17	Kunst: Admin+vedlikehold,innkj.komite	3448	160 000	130 000	130 000	0	30 000	0	23 %	0 %	
18	SUM ØREMERKEDE TILSKUDD		530 000	500 000	500 000	0	30 000	0	6 %	0 %	
19											
20	SUM TILSKUDD		13 368 474	12 503 700	13 220 206	0	864 774	-716 506	7 %	-5 %	
21											
22	SALGSINNTEKTER										
23	Billetsalg	3010	389 800	300 000	396 083	0	89 800	-96 083	30 %	-24 %	
24	Salgsinntekter etc.	3000-3099+3900	53 123	110 000	165 633	0	-56 877	-55 633	-52 %	-34 %	
25	Salg- Bøker	3100	56 500	41 000	50 705	0	15 500	-9 705	38 %	-19 %	
26	Leieinntekter	3600	116 400	55 800	107 295	0	60 600	-51 495	109 %	-48 %	
27	Turistinfomasjon i Porsanger	3450	0	0	150 000	0	0	-150 000			
28	Renteinntekter	8050	5 000	5 000	8 643	0	0	-3 643	0 %	-42 %	
29	SUM SALGSINNTEKTER		620 823	511 800	878 359	0	109 023	-366 559	21 %	-42 %	
30											
31											
32	SUM INNTEKTER		13 989 297	13 015 500	14 098 565	0	973 797	-1 083 065	7 %	-8 %	
33											

	A	B	C	D	E	F	G	H	I	J	K
35	<b>Budsjettforslag RDM år 2019</b>		FORSLAG	Vedtatt	(Bokført)	Reviderte					
36			BUDSJETT (B)	BUDSJETT (B)	Regnskap	Rammer	Differanse (kr.)		Differanse (%)		
37	<b>DRIFTSKOSTNADER</b>	Konto:	2019	2018	2017	2019	B19-B18	B18-R17	B19-B18	B18-R17	
38											
39	<b>PERSONALKOSTNADER</b>										
40	RDM Hålldahus		2 201 349	3 225 993	2 916 523	0					
41	SVD		2 006 754	1 512 725	1 162 812	0					
42	GG		1 126 019	1 076 521	1 117 242	0					
43	PM		901 448	721 431	788 446	0					
44	JMM		778 178	575 479	540 413	0					
45	Dáidda		1 247 136	632 497	1 019 820	0					
46	SUM PERSONALKOSTNADER		8 260 884	7 744 648	7 545 256	0	516 236	199 392	6 %	3 %	
47											
48	<b>ANDRE DRIFTSKOSTNADER</b>										
49	RDM Hålldahus		1 565 666	1 725 531	1 675 459	0					
50	SVD		1 257 000	1 078 400	954 549	0					
51	GG		393 225	402 800	403 929	0					
52	PM		935 800	629 760	605 635	0					
53	JMM		417 872	303 600	285 650	0					
54	Dáidda		1 158 850	1 130 761	785 159	0					
55	SUM ANDRE DRIFTSKOSTNADER		5 728 413	5 270 852	4 710 381	0	457 561	560 471	9 %	12 %	
56											
57	SUM DRIFTSKOSTNADER		13 989 297	13 015 500	12 255 637	0	973 797	759 863	7 %	6 %	
58											
59	<b>RESULTAT</b>		0	0	1 842 928	0					
60											
61	Prosjektkostnader inkl. egenandel kr 204.416				1 436 196						
62	Resultat - overskudd				406 732						
63											

1) Áššebáhpirat:

2) Áššečielggadeapmi:

Juohke jagi leat 3 stivrračoahkkima ja dát čuvvot museaid jahkejuvlla;

**13.3.19 Porsáŋggus**

Deháleamos áššit: 2020 bušeahttacealkámušat ja 2019/2020 doaibmaplána (Sámedikki áigemearri 01.04), RDM dáhkádusaid oppalašgovva.

**12.06.19 Jáhkovuonas**

Deháleamos áššit: Jahkedieđáhus ja jahkerekhetdoallu (revisor áigemearri 30.6, rehketoallorejistara áigemearri 31.7.)

**11.12.19 Guovdageainnus**

Deháleamos áššit: 2020 vuoruheamit, 2020 bušeahtta (mii oažžut dieđuid Sámedikkis, fylkkas ja suohkaniin doaibmadoarjaga birra skábmamánu/juovlamánu)

3) AU cealkámušat:

4) Mearrádusevttohus:

**13.3.19 Porsáŋggus**

Deháleamos áššit: 2020 bušeahttacealkámušat ja 2019/2020 doaibmaplána (Sámedikki áigemearri 01.04), RDM dáhkádusaid oppalašgovva.

**12.06.19 Jáhkovuonas**

Deháleamos áššit: Jahkedieđáhus ja jahkerekhetdoallu (revisor áigemearri 30.6, rehketoallorejistara áigemearri 31.7.)

**11.12.19 Guovdageainnus**

Deháleamos áššit: 2020 vuoruheamit, 2020 bušeahtta (mii oažžut dieđuid Sámedikkis, fylkkas ja suohkaniin doaibmadoarjaga birra skábmamánu/juovlamánu)

5) Mearrádus:

Čoahkkinplána nugo evttohuvvon. Mii fertet árvoštallat dárbbášitgo eambo čoahkkimiid AU joatkima birra. Ovttajienalaččat mearriduvvon.

#### 4. DIGAŠTALLANÁŠŠIT

Eai lean eará áššit.

#### 5. ČOAHKKÁIGEASSU

**Ášši 26- 2018**

**Eará áššit**

Eai lean áššit.

Duodaštetne ahte referáhtta lea riehta:

---

Svein Atle Somby  
Stivrralahttu

---

Marianne Balto  
Stivrralahttu